

Diehtun persondieđuid geavaheami birra (friddjafuolahus / ND)

Persondieđuidláhka [cuoŋománu 14.beaivvi 2000 láhka nr. 31] gáibida ahte sii geat vižžet dieđuid registreremii/gieđahallamii, galget dieđihit ahte sii dan dahket.

Ráŋggáštusa čadaheami oktavuodas čohkke kriminálafuolahus ráŋggáštussii dubmejuvvon olbmo persondieđuid. Dákkár dieđuid čohkkema ulbmil lea láchit dili oadjebas ráŋggáštusčadahepmái, mii sihkkarastá dohkálaš dilálašvuodaid ráŋggáštusa čadaheami oktavuodas, gč. ráŋggáštusčadahanlága § 2. Dieđut adnojit earet eará dasa ahte gávdnat juohke áššái heivvoleamos doaimmaid, ja vai sáhtá láchit ráŋggáštusa čadahanplána buoremus lági mielde juohkehažžii.

Lassin dieđuide maid ráŋggáštussii dubmejuvvon olmmoš ieš addá, bivdá kriminálafuolahus dábálaččat maid diekkár persondieđuid politiijain/áššáskuhtineiseválddis, álbmotregistaris, NAV:s, dearvvašvuodafága ovttadagain ja dikšun- ja fuolahusinstitušuvnmain. Vejolaš dieđut ovdalaš ráŋggáštemiid birra sáhttet maid geavahuvvot. Muhtun áššiin vižžojuvvojit dieđut mánáidsuodjalusas, olgoriteiseválddiin ja ambassádain dahje sullasaš ásahusain, main leat persondieđut fáŋgga birra maid kriminálafuolahus dárbbáša iežas barggus. Diekkár dieđuide lea dárbu earet eará de jus duopmostuollu dahje áššáskuhtineiseváldi lea bivdán friddjafuolahusa čadahit personiskadeami (dárogiillii PU).

Dieđut vurkejuvvojit kriminálafuolahusa arkiivasystemii.

Jus lea ulbmil dan dahkat, de sáhtá hálddašanlága 3. kapihtala mielde addit persondieđuid viidáseappot eará hálddašanorgánaide nugo politiijai, NAV:ii ja dearvvašvuodaetáhtaide dahje eará diekkár ásahusaide. Persondieđuid sáhtá maid addit viidáseappot earáide jus ráŋggáštussii dubmejuvvon olmmoš miehtá dasa.

Persondieđuidláhka gáibida meannudanovddasvástideaddji sihkkut registrerejuvvon persondieđuid, go ii leat šat ulbmil daid vurkkodit, nu ahte čuovvu arkiivalága.

Ráŋggáštussii dubmejuvvon olbmos lea riekti beassat geahččat persondieđuid maid leat čohkken, daid gáržžidemiid siskkobealde maid persondieđuidláhka § 23 čilge.

Ráŋggáštussii dubmejuvvon olbmos lea maid riekti gáibidit divvut persondieđuid mat leat boastut, váilevaččat dahje maid ii leat lohpi meannudit, gč. persondieđuidlága § 27. Vejolaš geahččangáibáduš ovddiduvvo friddjafuolahusa jođiheaddjái.